

Akashvani, Sambalpur

SAMBALPURI NEWS BULLETIN

8 January 2026 – 6.47- 6.52 am.

ସଂସ୍କୃତି ବିଶ୍ୱବିଦ୍ୟାଳୟ ଥାପନା ଦିବସ I&PR

ମାନବୀୟ ମୂଲ୍ୟବୋଧ ସଙ୍ଗେ ଜୁଡ଼ି ହେଇକରି ରହେଲେ ସଂସ୍କୃତି ପ୍ରକୃତ ଭାବେ ବିକଶିତ ହେବି ବଳି ଆଘର ଉପରାଷ୍ଟ୍ରପତି ଏମ୍ ଭେଙ୍କୟା ନାଇଡୁ କହିଛନ୍ । ଉତ୍କଳ ସଂସ୍କୃତି ବିଶ୍ୱବିଦ୍ୟାଳୟର ୨୭ ନମ୍ବର ଥାପନା ଦିବସର ଉଦ୍‌ଯାପନା ସମାରୋହ ଯୋଗୁ ଦେଇକରି ଓଡ଼ିଶାର ସଂସ୍କୃତିକ ଅଧ୍ୟୟନ ଲାଗି ସମର୍ପିତ ଦେଶର ଇ ପହେଲା ବିଶ୍ୱବିଦ୍ୟାଳୟ ଓଡ଼ିଶା ନ ଥାପନା ହେବାର୍ତ୍ତା ଗୁଡେ ଉପଯୁକ୍ତ ପଦକ୍ଷେପ ଥାଏ ବଳି ଶ୍ରୀ ନାଇଡୁ କହିଛନ୍ । ସମାରୋହ ଯୁଖ୍ୟ ଅତିଥି ଭାବେ ରାଜ୍ୟପାଳ ଡକ୍ଟର ହରିବାରୁ କମ୍ବମ୍ପାଟି ଯୋଗୁ ଦେଇକରି ବିଶ୍ୱବିଦ୍ୟାଳୟର ଛାତ୍ରଛାତ୍ରୀ ଖାଲି ପରମ୍ପରାର ରକ୍ଷକ ନୁହନ୍, ସମ୍ଭାବ୍ୟ ସଂସ୍କୃତିକ ଉଦ୍ୟୋଗୀ ଥାନ୍ ବଳି କହିଛନ୍ । ଇ ଅବସରେ ବିଶ୍ୱବିଦ୍ୟାଳୟ ନ ୭୪ କୋଟି ଟଙ୍କା ଖର୍ଚ୍ଚାଥି ଗୁଡେ ପ୍ରେକ୍ଷାଳୟ ଥାଉ ୩୦ କୋଟି ଟଙ୍କାର ଗୁଡେ ସ୍ତୋରୁ କମ୍ପ୍ଲେକ୍ସ ତିଆର କରାଯିବା ବଳି ଉଚ୍ଚଶିକ୍ଷାମନ୍ତ୍ରୀ ସୂର୍ଯ୍ୟବଂଶୀ ସୂରଜ୍ ଘୋଷଣା କରିଛନ୍ ।

କେଲୁଚରଣ ମହାପାତ୍ରଙ୍କର ଜନ୍ମ ଶତବାର୍ଷିକୀ I&PR

ପଦ୍ମ ବିଭୂଷଣ ଗୁରୁ କେଲୁଚରଣ ମହାପାତ୍ରଙ୍କର ଜନ୍ମ ଶତବାର୍ଷିକୀ ଆଏଇ ପାଲନ୍ କରାଯାଉଛି । ସଖାଲବେଳା ଭୁବନେଶ୍ୱର ଗୁରୁ କେଲୁଚରଣ ମହାପାତ୍ର ଓଡ଼ିଶୀ ଗବେଷଣା କେନ୍ଦ୍ର ନ ହେବାର୍‌କେ ଥିବା କାର୍ଯ୍ୟକ୍ରମ ଥିଲା ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ମୁଖ୍ୟ ଅତିଥି ଭାବେ ଯୋଗ ଦେବାର୍ କାର୍ଯ୍ୟକ୍ରମ ରହିଛି । ଇ ଅବସରେ ସଂସ୍କୃତି ମନ୍ତ୍ରୀ ସୁଯ୍ୟବଂଶୀ ସୁରଜ୍ ଭିଲ୍ ଯୋଗ ଦେବେ । ବେଳବୁଡ଼େ ରବୀନ୍ଦ୍ର ମଣ୍ଡପ ନ ହେବାର୍‌କେ ଥିବା ସଂସ୍କୃତିକ କାର୍ଯ୍ୟକ୍ରମ ଥିଲା ନାଁକରା ଓଡ଼ିଶୀ ନୃତ୍ୟ ଶିଳ୍ପୀମାନେ ନିଜର କଳାର ପ୍ରଦର୍ଶନ କରବେ ।

ଧର୍ମେନ୍ଦ୍ର ପ୍ରଧାନ-ଗଡ଼କରି ସାକ୍ଷାତ୍ ପି.ଆଇ.ବି.

ଓଡ଼ିଶାର ଶିଳ୍ପ ସମୃଦ୍ଧ ଦୁଇ ସହର ସମ୍ବଲପୁର ଆଉ ଝାରସୁଗୁଡ଼ା ଭିତରେ ଯୋଗାଯୋଗ୍‌କେ ଆହୁରି ବରକ୍ଷ କରବାର୍ ଲାଗି ଆଉ ଗୁଟେ ବିକଳ ଜାତୀୟ ରାଜପଥ ତିଆର କରବାରକେ କେନ୍ଦ୍ର ଶିକ୍ଷାମନ୍ତ୍ରୀ ଆଉ ସମ୍ବଲପୁର ସଂସଦ ଧର୍ମେନ୍ଦ୍ର ପ୍ରଧାନ ଗଲାକାଏଲ୍ କେନ୍ଦ୍ର ସଡ଼କ ପରିବହନ ଆଉ ରାଜପଥ ମନ୍ତ୍ରୀ ନୀତିନ ଗଡ଼କରିଙ୍କୁ ନୂଆଦିଲ୍ଲୀ ନ

ଭେଟିକରି ଅନୁରୋଧ କରିଛନ୍ । ସମ୍ବଲପୁର ଆଉ ଝାରସୁଗୁଡ଼ା ଜିଲ୍ଲା ଓଡ଼ିଶାର ଅର୍ଥନୀତିର କେନ୍ଦ୍ରସ୍ଥଳ ଆଏ । ନୂଆ ଜାତୀୟ ରାଜପଥ ତିଆର ହେଲେ ଇଲାକା ନ ଶିଳ୍ପାୟନର ଗତି ତୁରତି ହେବାର ସହେତେ ଓଡ଼ିଶାର ଶିଳ୍ପ ଆଉ ଆଂଚଳିକ୍ ବିକାଶ କ୍ଷେତ୍ରଥ୍ ଇଟା ଗୁଟେ ମାଇଲଖୁଂଟା ହେବା ବଳି ଶ୍ରୀ ପ୍ରଧାନ କହିଛନ୍ ।

ଲୋକ ଭବନ ଉଦ୍ୟାନ

I&PR

ଭୁବନେଶ୍ୱର ଲୋକ ଭବନ ଉଦ୍ୟାନ ଆଏବା ୧୦ ତାରିଖନ୍ ୨୦ ତାରିଖ୍ତକ୍ ସର୍ବସାଧାରଣଙ୍କର ଲାଗି ଖୁଲାଯିବା । ଉପରବେଳା ଅଡ଼େଇ ବଜେନ୍ ବେଲ୍ବୁଡ଼ର ୬ ବାଜିକରି ୧୫ ମିନିଟ୍ତକ୍ ଉଦ୍ୟାନ ଖୁଲା ରହେବା । ଖାଲି ମୋବାଇଲ୍ ଆପ୍ ଜରିଏ ପଞ୍ଜିକରଣ କରିଥ୍ବା ଲୁକ୍କୁ ଭିତରକେ ଯିବାର ଲାଗି ଅନୁମତି ମିଲ୍ବା । ଇଥିର୍ ଲାଗି କେନ୍ସି ଶୁଳ୍କ ଦେବାରକେ ନାଇ ପଡ଼େ । ଇତାର ଛଡ଼ା ସ୍କୁଲ୍ ଛାତ୍ରଛାତ୍ରୀମାନକର ଲାଗି ଉଦ୍ୟାନ ବୁଲ୍ବାର ସମିଆ ସଖାଲବେଳା ରଖାଯାଇଛେ ।

ହୀରାକୁଦ ପକ୍ଷୀ ଗନ୍ତି

ଆରଏନ୍ୟୁ/ ସମ୍ବଲପୁର

ପକ୍ଷୀ ଗାଁ ଭାବେ ଘୋଷିତ୍ ବରଗଡ଼ ଜିଲ୍ଲାର ଅନ୍ଧାଭୋନା ବ୍ଲକ୍‌ର ଗୋବିନ୍ଦପୁର ଆଉ ହୀରାକୁଦ୍ ଜଳଭଣ୍ଡାର ଆଏବା ୧୮ ଡାରିଙ୍ଗ୍‌କୁ ପକ୍ଷୀ ଗନ୍ତ ଯୁଲ୍ ହେବା । ଇଥିରଲାଗି ପ୍ରସ୍ତୁତି ଶେଷ୍ ଖେପ୍‌ଥ୍ ପୁହୁଁଚିଛେ ବଳି ହୀରାକୁଦ୍ ବନ୍ୟପ୍ରାଣୀ ବିଭାଗର୍ ତିଏପ୍‌ଓ ଅଂଶୁପ୍ରଜ୍ଞା ଦାସ୍ ସୁର୍ନା ଦେଇଛନ୍ । ସାରା ତେବ୍ରିଗଡ଼ ଅଭୟାରଣ୍ୟ ଆଉ ହୀରାକୁଦ୍ ଜଳଭଣ୍ଡାର ଇଲାକା ନ ପକ୍ଷୀ ଗନ୍ତ ଲାଗି ୨୧ଟା ସେକ୍ଟରଥ୍ ଭାଗ୍ କରାଯାଇଥିଲା । ୩୨୫ନ୍ ପକ୍ଷୀ ବିଶେଷଜ୍ଞକୁ ଇଥିରଲାଗି ନିୟୋଜିତ୍ କରାଯାଇଛେ ।

ଯୁବ ଉତ୍ସବ ସମ୍ବଲପୁର ସମାଦଦାତା

ସମ୍ବଲପୁର ବିର୍ସା ମୁଣ୍ଡା ପଡ଼ିଆ ନ ଗଲାକାଏଲ୍ ଯୁବ ଉତ୍ସବ୍ ଉଦ୍‌ଘାଟିତ୍ ହେଇଯାଇଛେ । କାର୍ଯ୍ୟକ୍ରମଥ୍ ସ୍ବାସ୍ଥ୍ୟ ଆଉ ପରିବାର କଲ୍ୟାଣ ମନ୍ତ୍ରୀ ମୁକେଶ୍ ମହାଲିଙ୍ଗ, ରାଜସ୍ବ ମନ୍ତ୍ରୀ ସୁରେଶ୍ ପୂଜାରୀ, ରେଡ଼ାଖୋଲ ବିଧାୟକ୍ ପ୍ରସନ୍ନ ଆଚାର୍ଯ୍ୟ, ଜିଲ୍ଲାପାଲ, ଆରକ୍ଷୀ ଅଧିକ୍ଷକ, ମହାନଗର ନିଗମ ଆୟୁକ୍ତ ପ୍ରମୁଖ ଅତିଥ୍ ଭାବେ ଯୋଗ୍ ଦେଇଥିଲେ । ଇ ଅବ୍‌ସରେ ଓଲିଉଡ଼୍‌ର ନାଁକରା କଳାକାର୍‌ମାନେ ସାଂସ୍କୃତିକ୍ କାର୍ଯ୍ୟକ୍ରମ ପରିବେଷଣ କରିଥିଲେ ।

କୃଷି ଯନ୍ତ୍ରପାତି ମେଳା କଳାହାଣ୍ଡି ସମାଦଦାତା

କଳାହାଣ୍ଡି ଜିଲ୍ଲା ଭବାନୀପାଟଣା କୃଷି ମହାବିଦ୍ୟାଳୟ ପରିସର ନ ଚାଲିଥିବା ୫ ଦିନିଆ ଜିଲ୍ଲାସ୍ତରୀୟ କୃଷି ଯନ୍ତ୍ରପାତି ମେଳା ଗଲାକାଏଲ୍ ଉଦ୍‌ଘାଟିତ୍ ହେଇଯାଇଛି । କାର୍ଯ୍ୟକ୍ରମଥି ଜୁନାଗଡ଼ ବିଧାୟକ କେପ୍‌ଟେନ୍ ଦିବ୍ୟଶଙ୍କର ମିଶ୍ର ମୁଖ୍ୟ ଅତିଥି ଭାବେ ଯୋଗ୍ ଦେଇଥିଲେ । ୫ ଦିନ୍ ଭିତ୍ରେ ମେଳାଥି ୧୧ କୋଟି ୧୮ ଲାକ୍ ଟଙ୍କାର କୃଷି ଯନ୍ତ୍ରପାତି ବିକ୍ରି ହେଇଥିବାର୍ ଜନାପଡ଼ିଛି ।

ସୁବର୍ଣ୍ଣପୁର ମହୋତ୍ସବ ମହିମା ସୁବର୍ଣ୍ଣପୁର ସମାଦଦାତା

ସୁବର୍ଣ୍ଣପୁର ରାମେଶ୍ୱର ଷ୍ଟାଡ଼ିୟମ୍ ଫକୀର ପଟ୍ଟନାୟକ୍ ମଚାନ୍ ନ ସୁବର୍ଣ୍ଣପୁର ଲୋକ ମହୋତ୍ସବ ମହିମା-୨୦୨୨ ଗଲାକାଏଲ୍ ଉଦ୍‌ଘାଟିତ୍ ହେଇଯାଇଛି । ସଖାଲ୍‌ବେଳା ଭୀମ ଭୋଇଙ୍କର ସମାଧିପୀ୦ ଖଲିଆପାଲିନ୍ନୁ ବ୍ରହ୍ମଜ୍ୟୋତି ଆସ୍‌ଲା ଉତ୍ତରୁ ଲୋକ କଳାକାରଙ୍କୁ ନେଇକରି ଗୁଟେ ଭବ୍ୟ ସାଂସ୍କୃତିକ୍ ଶୋଭାଯାତ୍ରା ନଗର ପରିକ୍ରମା କରିଥିଲା । ତାର୍ ଉତ୍ତରୁ ଜିଲ୍ଲାପାଲ ଡକ୍ଟର ନୃପରାଜ ସାହୁଙ୍କର ଅଧକ୍ଷତାଥି ହେଇଥିବା ଉଦ୍‌ଘାଟନୀ ସମାରୋହଥି ବୀରମହାରାଜପୁର ବିଧାୟକ ରଘୁନାଥ ଜଗଦଳା ମୁଖ୍ୟ ଅତିଥି ଭାବେ ଯୋଗ୍ ଦେଇଥିଲେ ।

ମହ୍ୟ ଆଉ ପ୍ରାଣୀ ସମ୍ପଦ ମେଲା

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ନ ଜିଲ୍ଲାସ୍ତରୀୟ ମହ୍ୟ ଆଉ ପ୍ରାଣୀ ସମ୍ପଦ ମେଲା ଗଲାକାଏଲ୍ ଉଦ୍‌ଘାଟିତ୍ ହେଇଯାଇଛି । ଜିଲ୍ଲାପାଳ ମଧୁସୂଦନ ଦାସ ମୁଖ୍ୟ ଅତିଥି ଭାବେ ଯୋଗ୍ ଦେଇକରି ମେଲାର୍ ଉଦ୍‌ଘାଟନ୍ କରିଛନ୍ । ମେଲାଥି ଭିନ୍ ଭିନ୍ ବିଭାଗର୍ ୧୯ଟା ଷ୍ଟଲ୍ ଲାଗିଛି । ଇ ଅବ୍‌ସରେ ସଫଲ୍ ଚାଷୀମାନଙ୍କୁ ସମ୍ମାନୀତ୍ କରାଯାଇଥିଲା ।

ମହ୍ୟ ଆଉ ପ୍ରାଣୀ ସମ୍ପଦ ମେଲା

ଝାରସୁଗୁଡ଼ା ସମ୍ବାଦଦାତା

ସୁନ୍ଦରଗଡ଼ ଜିଲ୍ଲା ନ ଜିଲ୍ଲାସ୍ତରୀୟ ମହ୍ୟ ଆଉ ପ୍ରାଣୀ ସମ୍ପଦ ମେଲା ଗଲାକାଏଲ୍ ଉଦ୍‌ଘାଟିତ୍ ହେଇଯାଇଛି । ସମାରୋହଥି ସଦର ଉପଜିଲ୍ଲାପାଳ ତେଜସ୍ବିନୀ ବେହେରା ମୁଖ୍ୟ ଅତିଥି ଭାବେ ଯୋଗ୍ ଦେଇଥିଲେ । ମେଲାଥି ଭିନ୍ ଭିନ୍ ବିଭାଗର୍ ୩୫ଟା ଷ୍ଟଲ୍ ଲାଗିଛି । ଇ ଅବ୍‌ସରେ ମହ୍ୟ ଆଉ ପ୍ରାଣୀ ସମ୍ପଦ୍ ବିକାଶ ଲାଗି ଭଲ୍ କାମ୍ କରିଥିବା ଅଧିକାରୀମାନଙ୍କୁ ସମ୍ମାନୀତ୍ କରାଯାଇଥିଲା ।

ରାଜସ୍ବ ସମୀକ୍ଷା

ନୂଆପଡ଼ା ଜିଲ୍ଲାପାଳ

ନୂଆପଡ଼ା ଜିଲ୍ଲାପାଳ ମଧୁସୂଦନ ଦାସଙ୍କର ଅଧକ୍ଷତାଧି ତାଙ୍କର କାର୍ଯ୍ୟାଳୟ ପରିସର ନ ଜିଲ୍ଲା ରାଜସ୍ୱ ବିଭାଗର ସମୀକ୍ଷା ବୈଠକ ହେଇଯାଇଛି । ଇ ଅବସ୍ଥାରେ ଜିଲ୍ଲାପାଳ ବିଭାଗର କାମକାର ଡିଜିଟାଲ୍ ମାଧ୍ୟମ ବାବଦେ ଆଲୋଚନା କରବାର ସହେତେ ଜିଲ୍ଲାର ପ୍ରଗତି ଲାଗି ରାଜସ୍ୱ ପ୍ରଶାସନ ଲୁକ୍କର ପାଖକେ ପୁସ୍ତୁତିବାର ଜରୁରୀ ଆବେଦନ କରି କହିଛନ୍ତି ।

ସିଏମ୍ ଟ୍ରଷ୍ଟି

I&PR

ଭୁବନେଶ୍ୱର କଲିଙ୍ଗ ଷ୍ଟାଡ଼ିୟମ୍ ନ ରାଜ୍ୟ କ୍ରୀଡ଼ା ବିଭାଗ ତରଫୁ ସିଏମ୍ ଟ୍ରଷ୍ଟି ୨୦୨୫ ଥି ବକ୍ସା ହେଇଥିବା ଫୁଲ୍ ବଲ୍ ଖେଳାଳିମାନଙ୍କର ପ୍ରବେଶ ସମାରୋହ ଗଲାକାଏଲ୍ ହେଇଯାଇଛି । ସମାରୋହ ଥି କ୍ରୀଡ଼ା ଆଉ ଯୁବସେବା ବିଭାଗ ମନ୍ତ୍ରୀ ସୂର୍ଯ୍ୟକାନ୍ତ ସୁରଜ୍ ମୁଖ୍ୟ ଅତିଥି ଭାବେ ଯୋଗ ଦେଇକରି ରାଜ୍ୟ ସରକାରଙ୍କର ତରଫୁ ଦିଆଯାଉଥିବା ସବୁ ସୁବିଧା ସୁଯୋଗ ବାବଦେ ଜନାବାର ସହେତେ ରାଜ୍ୟକେ ଫୁଲ୍ ବଲ୍ ଖେଲ୍ ଥି ଏକ୍ ନମ୍ବର ରାଜ୍ୟ ଭାବେ ଗଢ଼ବାର ଲାଗି ଆହ୍ୱାନ ଦେଇଛନ୍ତି ।